

SAMOA

Faatulagaina o Aiaiga

- | | |
|---|--|
| 1. Igoa puupuu ma le amataga | faasoaso atu i isi galuega |
| 2. Faamatuu atu ma le
Faatatauina o le \$30,333,353
mai le Faaputugatupe a le
Matagaluega o Tupe | faatino ma galuega faatino
laiti

Faamatalaga |
| 3. Faaitiitiga o aofaiga o tupe sa
uluai faatatauina ma toe | |

2007, Nu. 1

O SE TULAFONO e faatagaina ai le tuuina atu ma le faaaogāina o nisi o aofaiga o tupe mai le Faaputugatupe a le Matagaluega o Tupe i Galuega Faatino ma Galuega Faatino laiti, o Galuega Faatino e tuuina atu e Isi Vaega ma Galuega e avea ai ma Sui o le Malo mo le Tausaga Faaletupe e faaiuina i le aso 30 o Iuni 2007 (ua taua iinei o le tausaga faaletupe 2006/2007). [25 Ianuari 2007]

UA FAIA e le Fono Aoao Faitulafono a Samoa i totonu o le Palemene ua potopoto e faapea: -

1. Igoa puupuu ma le amataga-(1) E mafai ona taua lena Tulafono o le Tulafono o le Faatatauina o Tupe Faaopoopo (Nu.1) 2006/2007 (ua taua iinei o le Tulafono Autu).

(2) O aiaiga o le fuaiupu 2 ma Faamatalaga o le Tulafono e faasino i Galuega Faatino ma Galuega Faatino laiti a Matagaluega, Galuega faatino e tuuina atu e Isi Vaega ma Galuega e avea ai ma Sui o le Malo mo le tausaga faaletupe 2006/2007.

(3) O lenei Tulafono e tatau ona amata faamamaluina i le aso e tuuina i ai le maliega a Le Ao o le Malo.

2. Faamatuu atu ma le Faatatauina o le \$30,333,353 mai i le Faaputugatupe a le Matagaluega o Tupe-(1) E mafai ona tuuina atu mai le Faaputugatupe a le Matagaluega o Tupe ma faaaogāina i Galuega Faatino po o Galuega faatino laiti o le a tuuina atu e matagaluega taitasi, Galuega Faatino e tuuina atu e Isi Vaega ma Galuega e avea ai ma Sui o le Malo mo le tausaga faaletupe 2006/2007 ni aofaiga e le sili i le aofaiga e **\$30,333,353** e aofia ai aofaiga ua faatatauina i le fuaiupu 3.

(2) O aofaiga ua faatagaina ina ia faaaogā i lalo o le faafuaiupu (1) o lenei fuaiupu ua faapea ona faatatauina esee e tusa ai ma galuega faatino po o galuega faatino laiti o le a tuuina atu e Matagaluega taitasi, Galuega faatino e tuuina atu e Isi Vaega ma Galuega e avea ai ma Sui o le Malo i le faiga ua faamaoti mai i totonu o le Faamatalaga Muamua o lenei Tulafono.

3. Faaitiitiga o aofaiga na uluai faatatauina ma toe faasoasoa atu i isi galuega faatino ma galuega faatino laiti-(1) Ua faapea ona teuteuina le Tulafono Autu i le faatagaina o faaitiitiga o le aofaiga e **\$10,049,621** mai Matagaluega ua taua ma e tusa ai ma aofaiga ua faatulagaina i totonu o le Faamatalaga Lona Lua o lenei Tulafono.

(2) O le aofaiga e **\$10,049,621** ua faapea ona faatatauina nei ma toe faasoasoa atu i Matagaluega ma Galuega Faatino i le faiga ua faamaoti mai i totonu o le Faamatalaga Muamua o lenei Tulafono ma e tatau ona avea o se faaopoopoga i tupe na uluai faatatauina.